



芝園別集

卷之五

江西

咨訪利弊告示

本院欽承

上命來撫茲土所宜恪遵

拯

時艱除一應常行事務或隨時損益或因事處裁勉  
竭心力不敢怠忽其餘或事情之變易或民瘼之隱  
微或奸弊之當釐或廢墜之當舉或賦役之當均或  
冗費之當節凡於政體有關生民有益卑官不  
自擅下情不能以上達者許百爾有位下至

諸眾論之公察於試驗

一



進戶素之責毋得假公濟私架捏繁文雷同附  
淆觀聽有辜本院咨詢之意自蹈妄言之愆

禁革各 王府并儀賓不許聽信撥置捏詞告

### 擾告示

一據 管理府事弋陽王教授申稱 宗室儀賓有  
等立心奸險者專一招集教唆之徒及遊手光棍任  
為腹心輒因小忿架捏匿名虛詞投遞一遇拘對無  
人肯認乞行嚴禁等因到院隨該本院放告 不  
下千數而 宗室居其大半逐一詳審或撥拾浮詞  
或架捏虛情或以非禮陳乞或將細故纏擾信有如

該府教授所申者為照 宗室祿給俱有 欽定事

例大小衙門俱有該行職掌若故違 明命曲與阿

狗不謹職司濫為聽受是啓鑽刺之門蹈侵官之失

不惟 宗藩多事抑於憲體有乖除行江西布政司

將各屬拖欠祿米儀從冠服墳房等項銀兩嚴行催

解外其餘近奉 恩典本院自當周旋今後各 王

府如催討祿給原有定例者俱赴告布政司爭訟曲

直果犯非法者俱赴告按察司亦勿有違法例以致

掣肘難行其事體重大應該 奏請或議處者方赴

本院陳告酌處亦止差人役投詞不宜違禁越禮

尊相見及投遞書柬致生嫌疑如儀賓人等聽信教唆匿名捏告者各教授啓知嚴加禁約共守 朝廷之法以彰 宗室之賢若不依所告仍前纏擾者決不准理仍將各教授查究斷不食言

### 定刊賦役總會文冊案

一為定賦役以一政令事照得本院撫臨以來博咨救偏補弊之方專求利用厚生之術看得督賦里甲規則二書綱領已有可循節目尚多未備至於均徭規則尤為錯雜難稽其他若驛傳若課程若雜役若雜用一向未有著籍以致羸縮任意奸滑因之乾沒

小民靡所遵依欲求經久可行必須議處畫一本院昔在閩楚洛蜀俱定有賦役總會文冊其在四川尤為詳盡雖彼此疆土不同而體例大畧相似如在稅糧曰徵收規則曰定委解官曰查掣通關曰新增田糧曰徵收屯糧在歲支曰關支祿糧曰祿俸折鈔曰定立格眼文簿曰季報贓罰曰查理新軍在逃月糧在均徭曰查審戶則曰定審編之官曰革銀差之弊曰革力差之弊曰革編剩之弊曰革優免之弊曰革寄庄之弊曰折徵力差曰京解大戶在里甲曰支應公費若雜役雜用各色款目似皆依做可行其餘或

取其同而去其異或用其意而不泥其跡必合人情  
土俗之宜乃為立政安民之要相應委官會議編造  
除將均徭驛傳二事通行所屬造報及四川賦役總  
會文冊發去查照外為此案仰本官照案事理即便  
會同副使鄭世威各不妨原務將通省一應大小賦  
役公私費用責令布政司各科承行該吏備查始末  
卷簿參稽因革事宜務求至當之規立為一定之則  
先將凡例總目并立法總議逐項編出其後通將節  
目細數以類編次其間或有役斂不均應增應減事  
體不一應因應革一一備細擬議停當先編草冊一  
部送院查覈以憑會議刊布求為遵守其合用紙劄  
工食呈請動支無碍官銀應用施行俱毋違錯未便  
抄案依准呈來

### 申飭官箴案

一為申飭官箴事竊見近來有司固有砥礪名節撫  
綏困窮者但憲典漸隳士風日弊往往以敲訐而遂  
溪壑之欲以苞苴而為仕進之媒腹取盡於脂膏誅  
求徧乎顛寡上司姑息而不復問小民敢怒而不敢  
言父母斯民之心則既亡矣求牧與芻之道尚安在  
哉本院目擊時艱心懷拯溺除多方查訪次第舉按

及將禁約事宜發來遵照外仰府州縣官吏照案事  
理即行正佐官員知悉務要盡洗積垢永惟令圖其  
自為也毋以善小而不為毋以惡小而為之其為民  
也毋以利小而不為毋以害小而為之大施乳哺之  
恩以活憔悴之衆必求官箴無愧慎勿法網是罹仍  
將發來告示就用木牌如式刊刻豎立本衙門首常  
川遵奉施行仍將豎立過日期并轉行過緣由繳報  
查考俱毋違錯不便抄案依准申來

計開

一不許容留積年說事過錢

一不許指稱答應上司過客科斂財物

一錢糧紙贖不許多收秤頭火耗及用重法子

一入倉米穀不許多收斛面

一牽連無罪人不許科取紙錢

一見年坊里不許供應下程紙劄之類及備辦筵  
宴酒席惟到任陞任宴席不論

一佐貳首領并巡捕官不許違例受詞

一正佐官不許侵隱自問紙贖

一不許虧減價直和買貨物

一各官什物俱有議定銀兩不許取辦坊里

一巡捕官不許指以捕盜為由嚇詐平民財物  
一管糧官不許索取糧里拜見常例

一清軍官不許假以清查為由罰取里遞紙價

一庫子止係看守庫藏不許出辦公座卓帷油燭

柴炭紙劄等類

一各項錢糧遇有收受即便登簿歸庫不許縱容

該吏庫子私自收掌通同侵欺

清查虛糧以澄宿弊案

一為清查虛糧以澄宿弊事據南昌府推官秦梁南

昌縣知縣皇甫渙各呈送清查過南昌新建二縣虛

糧文冊到院據此案照先為前事已經前院通行所

屬委官清查延久不報又經牌行各府將違慢官吏

問招解報去後延今年半之上仍未回報者得虛糧

一事奸猾之飛詭日增里甲之賠納日甚蝨蠹無端

公私俱病凡有民牧之寄皆當如拯溺救焚以舒日

前之患今乃漫不加意如同秦越豈為民父母之道

哉除另行查究外合再通行督催為此案仰該道照

依先今牌案内事理即便嚴行各府委官督同各府

州縣掌印或廉能在貳官查照知縣周美清查虛糧

法則先行出給告示曉諭糧戶坊里人等并經管各

界黃冊實徵總散書手知悉許令從實將各戶下丟糧飛詭之弊開具數目緣由赴清查官處首告改正收戶以免其罪并免追節年虛賠糧米仍吊正德七年嘉靖元年十一年二十一年黃冊并拘老實書手立局封鎖逐一照例清查其清查之法必先以正德七年黃冊為主如錢乙戶內開除與某都某高趙甲戶內即以趙甲戶內新收查之如新收之內未收即便追究下落以後黃冊俱逐界清查務要虛米歸着實主以足原數若坊里書手糧戶不行從實首告致令查出者節年糧米照數追補上倉仍依律例從重問罪招詳本院發遣發落再有虛米坊里不為用心查首就本甲着定造冊里書照數均分賠贖不許通融槩縣派徵清查完日各將查出各戶欺隱田糧數目順里挨甲備造文冊送院查考定以本年八月終先將委官職名呈報十二月終具查完連冊報繳作弊里書人等逐一問罪招詳解院發遣發落若原無虛糧縣分具由申報不得一槩清查反滋奸弊其承委官員清查有方刻期完報者以賢能旌獎如仍前違慢者參呈治罪不恕俱毋違錯未便抄案依准呈來

弭盜賊以安地方案

一為弭盜賊以安地方事節據樂平等縣各申稱地方盜賊出沒無常須嚴立保甲禁革窩主等因到院據此查得前院舉行保甲之法已為周悉但有司奉行不至以致盜賊仍復橫行其窩主或以土豪稔惡或倚官勢為奸坐地分贓集眾拒捕若不痛加誅翦將來蔓延無極相應申明防禁為此案仰本府官吏照案事理即便通行各縣查照前院原行督率各掌印官着實查舉十家為夫夫有甲十甲為保保有長十保為鄉鄉有總有副平時則相察有警則相助仍

俱要排門粉壁備書本等生理大小丁口姓名凡有出入俱要詢其向往及查回還日期不許容留面生可疑之人致生奸細如一人犯罪不行舉首者九家并鄉長保長人等連坐其十家為夫夫有甲甲置牌一面備書十戶姓名十甲為保保有長保置牌一面備書百戶姓名十保為鄉鄉有總有副鄉置牌一面備書各甲各保姓名其大小人戶俱要置造器械聽從鄉長約束鄉總鄉副保長仍要將平素身家無過者遴選克當不許聽令積年狡猾棍徒營克祇為民害俱限一月以裏通將編完過各鄉總副保甲及人

戶丁口姓名備造方冊一存本州一差人賫送本院查考至於拏獲盜賊務要嚴究窩藏人戶家產以盜贓入官犯人依律法處死黨惡家衆俱從重處治以靖地方每月朔各鄉保長各具有無盜賊生發結狀赴本縣投遞每季終將舉行拏捕過盜賊及窩主起數揭報本院以憑施行仍嚴訪應捕人役不許交通盜賊私納月錢不行用心訪拿違者并巡捕官查照律例一體問遣俱毋違錯未便抄案依准申來

### 嚴責任以弭盜賊案

一為嚴責任以弭盜賊事本院撫臨以來訪得地方

盜賊出沒為患不已節將申明保甲之法及申嚴巡河官兵以弭盜賊事俱經刊刻告示并案行府州縣及巡河巡江等官遵照各嚴緊緝捕去後近聞所在盜賊仍復橫行居民行旅常遭劫掠失主懼不敢告官司寢不以聞則狐鼠何時斂跡而遠近何時安堵乎為照各府衛所州縣俱設有巡捕巡河等官專以緝捕盜賊保安地方為事於此不盡其心其他皆不足贖矣今乃率以苟且為心因循度日或高居市城曾無巡邏或營幹他事專為私圖上則有負責任下則貽患地方似此不職將安用之本當通行提究治

以重罪但念法令方新告戒未至合再申督以需後效為此仰抄案回府着落當該官吏照案事理即便轉行本府巡捕官提督各州縣巡捕官查照原行發去告示及案驗內事理着實舉行仍差的當巡捕人役或分投巡邏或密切緝訪務將強竊盜賊不分遠年歇案與日下生發者逐一擒捕送官審問招詳務要兇徒盡絕四境安寧各該巡河巡江等官一體遵照施行每月終各具有無盜賊生發或緝獲過盜賊若干名各揭帖結狀申繳本院查考如再仍前故違及捩稱並無賊盜生發不行督率軍兵巡邏者定將俸糧截日住支仍行提問罪掌印官別議決不輕寬俱毋違錯未便抄案依准申來

查處南新二縣里甲案

一為遵咨訪陳民隱查處附省里甲以甦民困  
南新二縣老人王貴等呈稱二縣附居省城里一應困憊已極蓋因常年長夫短夫簽夫燈籠之類公一私十冒破之無筭坊長吏胥橫索之無厭以致小民杼柚之皆空而不知窮蠹坊之源以善其後開款具呈伏乞採擇施行等因到院就經發仰南昌府推官秦梁南昌縣知縣皇甫渙逐款會議前來中間

未盡詳明又批行南新二縣覆查明白為照前項事  
情本院詢之士民咨之有司逐一求其顛末頗已  
其弊源今欲釐無端之積蠹甦久困之貧民必須立  
法至當經久可行合行覆議以盡僉謀為此仰司官  
吏照案事理即便會同按察司掌印官將查議各項  
事情再行詳議務要損益適中因革當可官民俱為  
兩便奸滑免於侵漁即便具由呈報以憑參酌施行  
毋得違錯未便抄案依准呈來

### 計開

一定煎銷雇夫馬銀議得里甲煎銷夫馬等項先  
因論里派銀貧富不均以故更為丁糧均派富  
者不得偷安而貧者不至偏累至公平也今欲  
改而論戶則有一戶而糧至數十百石者有一  
戶而糧止數升數合或全無寸土者欲比而同  
之謂之均平得乎是丁糧均派之規相應照舊  
無容議矣但南新二縣獨自支應上司百姓之  
丁糧如故而各司之繁費日增總計一年所費  
至三千三百九十七兩四錢有奇以通省之上  
司而偏累二縣之供應不惟民力不給實於事  
體欠均該前 巡撫張 案行布政司派行寧

進等五十八州縣照里分派實為均平但事久廢弛相應申明查照原行以二千八百四十七兩七錢五分派行寧進等五十八州縣每里三錢二分七釐六毫每縣若干里共該銀若干俱編入里甲規則徵解作兩院二司公費之用名曰上司公費每年八月以裏二縣查照原行備申本院批行布政司通行各屬依期追徵俱限先年十二月以前申解到司轉發二縣支用如有過限不解者查究當該官吏此外尚有銀五百四十九兩七錢一分一釐二毫再難加派各縣相應編入二縣規則通融派徵南昌該銀一百五十七兩八錢七分八釐五毫新建該銀一百九十一兩八錢三分二釐未為遵守其前項上司一應公費物件并筵宴等項仍逐一開填號票令買辦舖戶坊長赴院掛號以憑查考一裁減無名夫役議得南新二縣除護送上司并過往官員長夫并走遞馬俱編載煎銷按察司掛號給單應付二縣照數支銀雇夫外惟各衙門修理公廨造作船隻大約一年南新二縣用夫七萬二千五百二十工每工工食銀二分五

釐共該銀一千七百六十三兩各衙門并河下  
挑運供應柴炭及送禮各鄉宦大約一年共用  
夫扣折該共六千四百九十工每工食銀二  
分共該銀一百二十九兩八錢河扛擡行李上  
船大約一年共用夫扣折該一萬零八十名每  
名工食銀一分共該銀一百零八兩撫按各道  
回省大約一年扣折用夫二萬零八百九十名  
每名工食銀二分共該銀四百一十七兩八錢  
差用義民官吏迎送挑運行李大約一年扣折  
用夫五千名每名工食銀二分共該銀一百兩  
二縣官各四員各挑水園夫一名每名工食銀  
七兩二錢共該銀五十七兩六錢使司曆日車  
并府縣造報歲報錢糧雨澤民情均徭等冊共  
火頭一十四名大約一年扣折用夫二千六百  
四十工每工食銀二分共該銀五十二兩八  
錢府縣各縣迎送上司拽船擡扛大約一年用  
夫二千五百名每名工食銀二分共該銀五十  
兩南昌縣原幫貼武陽站船夫銀三十六兩二  
縣各議設管夫小甲二名每名工食銀七兩二  
錢共該銀二十八兩八錢以上通共該銀二千

七百四十三兩八錢仍須量為寬處以備不虞  
南昌共五百九十三里除鄉士夫優免九十三  
里實派五百里新建共二百零四里除優免二  
十四里實派一百八十里二縣共實派六百八  
十里每里派銀四兩三錢南昌共該銀二千一  
百五十兩新建共該銀七百七十四兩各當里  
長上役之初將前銀同煎銷銀一起追徵貯庫  
照依紅牌夫事例查委行止誠實義民官一員  
督同夫甲管理各縣置立循環文簿二扇送南  
昌府鈐印回縣各掌印官收掌凡遇各衙門造  
作及迎接上司等項出給花欄小票就於前海  
掛號發管夫官查照數目令小甲雇募應用給  
發工食銀兩與本官分散每月終各掌印官限  
同將號簿內撥過夫數及工食銀數扣算明白  
務照南昌出五新建出二之法總撤數目相同  
赴本府倒換查考仍於年終備開逐月用過夫  
數銀數造冊申報本院前銀有餘留備科舉年  
修理之用

一裁省無益燈籠議得弘治正德以前俱止坊長  
出辦矮燈赴各衙門擎照南昌四十五坊各出

二盞新建十坊每二坊共出九盞嘉靖三年陳  
知縣看得燈籠答應不敷將通縣各里添設高  
燈一盞新建做照舉行因此上下相沿遂成流  
弊今蒙本院重覆駁查除矮脚燈籠照舊外二  
縣合用高燈撫按衙門各一十二名布按二司  
堂上各一十二名守巡南昌二道各十名二司  
清軍道各八名布政司糧儲湖東湖西九江嶺  
北五道按察司提學屯田湖東湖西九江五道  
各六名南昌府堂上十名清軍督糧巡捕理刑  
四館各六名布政司首領六員按察司首領四

員各四名南昌縣堂上八名縣丞主簿典史三  
員各四名新建縣堂上六名縣丞主簿典史三  
員各二名查盤郎中監兌主事各十二名折筭  
半年共一年各該夫六名饒贛九江兵備三道  
各四名共一十二名折筭該夫二名常年撫按  
守巡委官查盤共四員各住省月日不同折筭  
該夫五名 萬壽千秋冬至正旦習儀拜牌出  
表并春秋祭祀文廟兩壇折筭該夫九名新官  
到任折筭共該夫一名大約一年一縣折筭共  
該三百零一名每晚工食銀一分每名該銀三

兩六錢共該銀一千零八十三兩六錢二縣實  
派共六百八十里每里該銀一兩六錢通共該  
銀一千零八十八兩內多餘銀四兩四錢每年  
上役之時一同煎銷并雇夫銀兩追徵貯庫照  
依南昌五分新建二分之則責令在城坊長舉  
保相應之人當官雇募答應仍備造年貌住址  
文冊一本在官查考如係各衙門常川答應者  
照數全給工食其各兵備道及公出缺官扣積  
月日及前項餘銀以備雇募河下使客及朝  
覲科舉年分之用其拜表祭壇等項亦從龍俱臨

期官為雇募仍增入規則以便經久可行

一定納里長期限議得南昌縣原派煎銷銀共六  
千零五十四兩二錢一分五毫新建縣原派煎  
銷銀三千四百六十八兩六錢八分二釐七毫  
今除將南昌縣答應上司銀一千八百四十七  
兩七錢五分新建縣答應上司銀九百四十九  
兩二錢五分二釐派行寧進等州縣照里均派  
解司轉發支應外南昌縣實該派煎銷銀四千  
二百零六兩四錢六分五毫內弓箭弦條藥材  
茶芽共該銀五百五十三兩六錢二分七釐雇

夫馬銀二千五百八十六兩有閩外加銀八十  
二兩一錢六分一釐六毫本縣各項支應銀七  
百零九兩一錢五分五釐仍存支應賓祭銀三  
百五十七兩八錢七分八釐五毫新建縣實該  
派煎銷銀二千五百一十九兩四錢三分內弓  
箭弦條藥材茶芽共該銀三百九十七兩一錢  
六分雇夫馬銀一千六百四十四兩四錢一分  
本縣支應銀二百八十六兩二分八釐仍存支  
應賓祭銀一百九十一兩八錢三分二釐各照  
丁糧通融扣派每里長共該丁糧若干該銀  
若干甲首某丁糧若干該銀若干甲首某丁糧  
若干該銀若干新議夫價每里該銀四兩三錢  
每里該銀一兩六錢每里長該銀若干甲首  
該銀若干通行給布由帖分為三限比併如係  
甲首逋欠照限嚴行追足若曰甲首已完即坐  
里長侵欺中間若能不待期限而預先完納及  
照依期限而無拖欠者縣官即為住卯放歸農  
業則各里知有先完免卯之便而煎銷各銀不  
難於追徵矣

一禁坊長無厭索騙議得 國初以來以坊管坊

以里管里兩無相束後因宸濠倡亂民皆逃竄  
官司難於拘勾則將坊長分攝里事而一坊管  
至十五里二十里者但取集事目前豈知流弊  
無極是故坊之視里甲若有名分統屬而里之  
於公務聽從各坊私科因而分散鹽扇巧立名  
色在城恣其誅求下鄉任其擾害此乃食人之  
狼虎而驅除之所以亟者也今後仍照舊規以  
坊管坊以里管里不許仍蹈前弊里長該年止  
出告示立限上卯不許差人勾攝到官之時里  
長自帶歇家投遞保狀不許皂隸押保應納官  
錢能完者即時放回朔望點卯若有勾攝止令  
歇家送牌下鄉帶人銷牌若二三牌不至者方  
差皂隸機兵拘究如有坊長仍以管里為名設  
法驅騙下鄉擾害或皂隸分區索錢與書手需  
求常例者俱從重究治枷號發遣

一處裨坊長在市買辦議得坊長因有買辦雜差  
甲首又有地方火夫故將煎銷水馬均徭機兵  
各項及今議夫銀俱與免派待之亦優而處之  
均矣况其服役供上乃其職分當然若復以燈  
籠等項餘銀量行裨補坊長及稱欲明派里長

幫助既非均平之政又啓科索之端相應一切  
禁革以殄弊風

一請置公用家火議得春秋祭祀派辦坊下幕次  
床帳等項舊規坊長上役照例派有前項合用  
之物以備歲考會審公宴等項雖遇祭祀不過  
交送答應至於鋪陳被帳又係各驛取用其借  
用貢院外簾家火俱權時借用亦無甚累相應  
照舊但壇廟齋宿大床可免止用藤床其一切  
書畫卓帷香爐花瓶硃匣筆硯之類皆宜裁革  
一乞量裁席面議得逐年宿祭審錄等項品物兩

縣行令鋪行辦送完日給價間令坊長領辦亦  
不甚賠近奉本院案驗禁示不許坊長整辦酒  
席惟到任陞任不論已經遵照外况本院及各  
衙門近來俱無席面發與坊長領出變價如有  
坊長仍指此為名科索甲首銀物者從重究治  
一編派南浦驛廩給庫子議得前項廩給俱出於  
百姓脂膏今乃額外多編計其無閏一年剩銀  
二百二十四兩有閏剩銀五十六兩雖曰在官  
作正支銷然中間徭戶狡猾者用計延捱規免  
支應官吏貪婪者支銷不明影射侵欺况十年

之內止有四閏其無閏餘銀則又倍於有閏設使留不役之差在官莫若寬不用之財於民相應除嘉靖二十九年分廩給已派仍舊追餘外其自三十年為始將該驛廩給每年止編七十七名如遇閏月比照各衙門夫皂工食如數加閏每名多支應半日餘十二名扣銀入官不必仍前多編以寬民力

一兩縣均分供應議得供應合干上司并過往官員心紅紙劄柴炭刑具等項先年南昌出辦心紅紙劄新建止於柴炭二事三七分出辦至嘉

靖二十三年申詳南昌兩月新建一月一年南昌八箇月新建四箇月至嘉靖二十七年又該南昌縣知縣皇甫渙議南昌二月新建一月似依三七分矣但南昌當月合用物件獨自支持供送而新建則空閑二月新建當月只出辦柴炭其心紅紙劄筆墨刑具仍又同送則南昌累年從無一月休息申乞將前項弊例裁革行諭兩縣今後供應不但僭運查盤等衙門三七分出辦凡各該上司供應心紅紙劄筆墨刑具柴炭等項南昌當兩月各項俱出自南昌新建當

一月各項俱出自新建申奉前院都御史傳  
批行布按二司會議得南昌縣每月出銀七十  
兩新建縣出銀三十兩湊為一處每月選的當  
老人或吏各一名各置印信文簿遇有支用即  
將買過物料及給過價銀數目隨即登記開立  
前件送某衙門某物若干每月終各縣正官眼  
同查算一次價有不足仍照三七分補還遇有  
支剩銀兩仍作下月支用每縣各管供送一月  
兩縣里分雖有多寡職官則無不同今後不得  
彼此推調則三七分之舊例既復而官吏供事  
亦無不均之嘆矣呈奉批允備行兩縣遵照施  
行外今王貴等呈稱里分多寡不均亦其未詢  
見行供送之例應照前議二縣出銀為一處辦  
送以便遵守

一請革重疊夫馬議得迎送夫馬近奉本院案驗  
內開查得有司驛遞先年應付夫馬多于交界  
處所等候民多困累節該兵部題奉 欽依通  
行禁革凡有公差及撫按守巡等衙門巡歷地  
方應該應付夫馬俱止許於本衙門首候候以  
免民病今本院入境所屬不遵禁例仍一槩派

撥夫馬於境上迎候曠日持久計一夫所費不止數倍不但紊亂事體寔為妨廢民業仰各該官吏遵照今後遇有上司及公差官員遣牌到彼止許摘撥官吏兵快于境上迎候其夫馬于本衙門俟候毋得仍前違例奉承輒撥夫馬迎候致妨農業等因合行一體遵守別無再議

一裁正雜色濫冒議得科舉年分布政司發下銀兩買辦臘味鷄鴨蛋鴿子照依原定價直給與坊長領買至於三厲二社祭祀等項俱有官銀給發舖戶坊長買造薦新茶芽已照規則支

轉解今呈坊長指稱科歛里長非立法之不用乃禁約之不嚴也至於提學道及府考試生儒卓撓里長借辦事完即令赴領其每年加添芳費亦不多俱應照舊外其鹿鳴宴貢院供所搭廠蓬篾板木家火等物費大約一百兩相應增入修理科場銀內給發舖戶買辦搭蓋事定之日布政司除損壞不堪外其尚堪用者委官估計變賣價銀還官貯庫以備下科之用至若曆日紙腳該司計價給還曆日庫內答應舖戶以償物價毋令坊長領賣以滋科歛奸弊

臨科之年仍將前項事件出示曉諭嚴禁坊長  
不得指以買辦為由科害里長違者治以重罪  
發遣發配

一科舉謄錄生議得科舉之年布政司各照行  
取用生員或吏農書手南昌府共派書手三百  
名通行寧進等七州縣承用因往年流行各  
有臨期全無一人到者或至而寫字粗拙不堪  
謄錄者倉卒發換未免出於二縣故派數雖少  
預備則多南昌除鄉宦優免不派外實派四百  
八十八里每二里共報書手一名共二百四十

四名新建除優免外實派一百八十里共計九  
十名共預備三百三十四名及查得上科派取  
南昌一百二十名新建八十名今科南昌八十  
一名新建四十名臨期又取五名南昌預備五  
十四名新建預備十名俱在貢院門外俟候又  
布政司造生儒三代及貼席舍圖南昌四十名  
新建二十名提學道取造生儒脚色及唱名冊  
南昌十三名察院委官舒通判及本府取造唱  
名冊并貢院各官供送手冊南昌五名新建一  
十四名大約以上科今科為率酌筭南昌派一

百名新建五十名如取造冊貼圖等項即將數  
內撥送膳錄三場完日發出約以一月為期每  
名給工食銀六錢共該銀九十兩費亦不多增  
入里甲規則南昌該工食銀六十兩新建該工  
食銀三十兩分作三年派徵以備一年之用所  
議查取各縣膳錄盤纏難以准行

申嚴巡河官兵以弭盜賊案

一為申嚴巡河官兵以弭盜賊事照得本院撫臨以  
來節據巡司巡河等官申繳月報到院開稱並無盜  
賊生發及詢過往士民皆言沿河盜賊縱橫商旅往

往被其劫掠暮夜難行道途為梗各該巡捕巡河官  
員却乃高居城市全不督兵巡邏又將盜情隱匿不  
報虛文搪塞及訪得前賊俱係沿河兩岸居戶窩住  
四外流民出沒為非又有不等民船陽以捕魚為業  
實則劫掠是行官兵莫能緝捕甚或私受月錢知而  
故縱玩法殃民莫此為甚相應查處以靖地方為此  
案仰府州縣及巡河某官照案事理除將沿河一帶  
居民查照近行保甲之法逐一查編戶各置牌懸掛  
門首備書本戶人丁生理互相覺察如牌內一人作  
盜連坐十戶另行造冊申報外其所管各鄉大小河

船魚船亦合通行查出各分地方每十船編為一甲  
甲有長十甲編為一總總有管每船各置一牌定立  
字號備書人丁生理懸掛船尾甲有甲牌總有總牌  
每一日一夜輪撥一甲十船沿河巡視互相覺察如  
有謀為賊盜即時擒捕送官或客商被劫即便救護  
併力追拿若隨時得獲者照例給賞縱放不獲者將  
直日各船戶甲首總管問罪招詳仍勒限挨拏限一  
月內將編過甲總船戶丁口姓名字號造冊送院查  
考每月朔各沿河總管甲長各具有無盜賊結狀赴  
本州縣投遞每季終將舉行拿獲過盜賊起數揭報

本院其巡捕巡河等官如再仍前故違及覘申並無  
賊盜生發不行督率軍兵常川巡邏者定行拏問決  
不輕貸該州縣仍將發來告示如式刊刻深文於沿  
河市鎮張掛曉諭俱毋違錯未便抄案依准申來

### 禁革機兵不許跟衙及撥跟鄉宦案

一為削殄奸弊事據分守湖東道呈繳查革過廣信  
府并屬縣差用機兵緣由到院案照先據上饒縣機  
兵諸文廣等告稱本縣額編機兵三百五十四名例  
該輪操護守城池有等積惡探知縣官新任結幫遠  
接希圖跟用下鄉生事擾民惟虧在外機兵差操解

銀看守禁囚且各府縣徭編有弓兵皂隸豈應各惡  
戀跟告乞禁革等情就經批仰查究議處去後續據  
該道查議得該府并上饒縣各官衙內跟用機兵王  
惟嵩等審各供稱該府縣原因皂隸數少不敷跟用  
量於機兵內撥跟分班聽用本府并同知通判推官  
各十二名經歷照磨檢校知事各八名上饒縣堂上  
十六名縣丞十五名主簿十三名典史八名各衙內  
聽用各見本府路當衝要差撥繁難一向在官不行  
告退以致文廣等因見勞逸不均將情具告今查得  
各官員下自有本等徭編皂隸前項機兵應合盡行  
革出與文廣等一體差操毋容仍前戀跟避差等因  
議報前來除批行該道轉行該府遵照外為照機兵  
之設本為護守城池防禦盜賊近年以來率多投克  
官衙營求差遣甚或結為腹心交通關節生事擾民  
莫此為甚又因自處非法却乃撥送鄉宦及本府縣  
學教官以掩衆口甚至不由掌印官而佐貳巡捕等  
官私自撥發徇情市恩是以小民之脂膏而養此無  
賴之積棍以公家之額兵而克私門之役使平居既  
不操練盜發又不緝捕以致攘竊與劫掠肆行行旅  
及居民受害如此不已患將何極然此非獨廣信府

縣為然而通省亦皆有之今雖報稱革退恐亦虛文  
塘塞仍前占役相應通行嚴加禁革為此案仰本府  
官吏照案事理即行各州縣備查原額編機兵若干  
名即今本府縣并佐貳首領官占用若干名撥送各  
鄉宦教官若干名見在差操若干名其各投克在官  
及一應非分役占者逐一備細查出盡行革發操備  
仍量選家有底業素無過犯者數名結報在巡捕官  
處責令緝拿盜賊不許仍前容留跟用生事害人如  
有復踵前弊者許諸人首告或本院查訪得出定行  
照例問遣容縱職官依律坐以罷職黜逐各府州縣  
仍將革退還役名數造冊及各官不致占役緣由  
報查考俱毋違錯未便抄案依准申來

禁革私宰耕牛案

一為禁革私宰耕牛以弭盜賊事本院撫臨以來訪  
得所屬府州縣有等無藉棍徒不務本等生理專一  
私開圈店宰殺耕牛覓利因而接買竊盜牛隻為非  
百端查得大明律內一款若盜馬牛而殺者杖一百  
徒三年又問刑條例內一款凡私宰耕牛并私開圈  
店及知情販賣牛隻與宰殺者俱問罪枷號一箇月  
發落再犯累犯者免其枷號俱發邊衛克軍每宰牛

一隻還罰牛五隻除欽遵外為照前項律例不為不  
嚴今乃恣意違玩各該府州縣掌印巡捕官不行嚴  
禁以致盜竊蜂起鄉民受害相應申嚴禁約以靖地  
方為此案仰本府官吏照案事理即將發來告示分  
發所屬各州縣如式刊刻於市鎮去處張掛曉諭撫  
屬軍民人等今後各宜恪遵明例不許收買外境來  
路不明牛隻及將自己耕牛私自宰殺覓利若係老  
病倒死者俱要告官驗明給帖方許開剥敢有頑民  
不遵禁例仍蹈前非者許諸人赴本府州縣指實首  
告量加給賞仍照例枷號問擬追罰申詳本院定衛  
發遣各該巡捕官仍嚴督軍兵常川巡察但有犯者  
即便擒拏究問如或阿縱不舉事發一體連坐決不  
輕恕俱毋違錯未便抄案依准申來

咨利弊以便興革案

一為咨利弊以便興革事據各司道并府州縣申呈  
所屬地方應興應革利弊緣由到院據此案照先為  
前事已經通行咨訪去後今據各條陳前來逐一參  
伍異同以求事理至當中間或地方要務先已施行  
或民間利病各分彼此或事體重大應該 奏請或  
議論雖正未切安危俱斟酌緩急從宜興罷外所有

合省應行事宜擬合通行遵照為此除刊刻告示另行給發外仰府州縣官吏即便查照後開款目逐一遵奉施行務期各臻實効無事虛文悉釐蠹弊之源用蘇憔悴之衆庶幾上不負朝廷設官之責下不孤本院諏咨之勤撫臨所至備將行過緣由逐款條答浩冊呈遞仍當詳加考驗以行勸懲抄案官吏具不違依准同遵行過日期申來

計開

一修公廨以防吏弊檢會大明律內一款凡有司官吏不住公廨內房屋而住街市民房者杖

八十此祖宗舊制禁革私通關防吏弊慮至

遠也各省州縣雖大小繁簡不同未有吏而不

設公廨者也江西近年以來上下因循吏廨損

壞向不修理日復一日遂致倒塌廢地見在鞠

為園蔬吏書人等彼此交替僦居民間四散隨

住遂致升散不時出入無禁甚至見行文卷置

諸歇家小民得以夤緣為奸吏胥得以交通弄

法蓋蹊徑既多則稽察不易耳目既遠則關防

愈難故號令未布而闐闐已知其長短體統不

肅而奸弊日至於繁滋其害於政體非小故也

仰各該州縣即查原有吏解而今乃傾損或原無吏解而未經查議者文書至日即便估計工料及相度基址具由申詳動支無碍官銀刻日修理責令吏書常川在縣居住不許私自出入以生奸弊

一修倉廩以便轉輸夫倉廩者積貯之所須有司之急務也設之水次名為便民此其意則又切矣乃有司不加之意而江西一省為尤甚焉蓋民俗纖嗇性復頑悍凡有興作率皆苟簡無終歲之計而官府亦不能制故訪之各縣有無

者矣有有倉而不可貯者矣有回遠隔阻而貯之不便者矣一歲之糧既無所於貯則其勢不得不僦之舟船假之僧廬假之民舍而侵漁耗散在所不免且官府無處稽查而比較難於立限有無多寡精粗美惡皆不可知况糧長利於米價之收而小民亦便於米價之納價銀入手尤易花費催徵之際官府止據空文兌運已臨糧里實多掛欠矣然則倉廩之設豈細故哉仰各該州縣除有倉堪貯外其餘倒塌者重新建造破漏者即加修葺其隔遠不便搬運者另擇

道里適中溪河近便去處買地創設務須堅固  
牢密可以經久合用木石之類從公估計動支  
無碍官銀仍將管工人役一併呈請施行

一清戶丁以防躲閃催科之政莫有難於江西者  
其弊皆起於戶籍之不明戶籍不明則糧稅無  
所附麗糧稅無所附麗則官府孰從而比併哉  
所謂戶籍之不明者今制每十年大造黃冊中  
間生死不一宜有收除而江西一切以戶名為  
主戶名云者其始立戶之名也業之所隸久而  
不改餘皆謂之戶丁而不隸焉如戶丁十人

一戶名凡有糧差各自承認然官府不知其為  
誰而空名不可得而治也故必委之里遞委之  
吏胥勾攝之難躲閃之易未有甚於此者錢糧  
不完職此之故今後每歲實徵及里甲均徭冊  
內責令該圖里書將見在有業戶丁但成丁者  
明白開報其糧長等役即以戶長的名克之俟  
大造之年通行改正將故名并女戶盡行削除  
務要將見在家長立為戶首新收男子若干丁  
婦女若干口不成丁若干丁口其軍匠之戶一  
體報入丁口有不然者就令里書代認糧差欺

隱人戶或查訪得出或被入訐告將本犯從重治罪庶催科有據而糧差易完糧里亦無賠賂之累矣

一時折穀以備賑濟查得各府州縣倉庫循環倉鮮儲積庫之羨餘揆厥所由皆因近年紙贖悉追銀兩隨即動支故一遭水旱即費區處竊惟國朝立法罪紙折穀最為用意深遠蓋取之有罪之富人以賑無辜之貧獨以豐年之取入為凶年之所需况凶年所難得者米穀縱雖有銀亦難卒辦不得不先為之所也奈何近來有司

樂於簡便不為思患預防止收銀在庫名為糴穀率多花銷如遇凶荒小民得銀穀貴亦無實濟况無銀兩何所仰賴耶今後各府州縣查照祖宗法律及奉有歷年勘合事理將罪犯紙贖春夏姑令折價秋冬盡令納穀上倉不許仍踵舊弊致鮮儲蓄每年終仍將積穀數目造冊申報

一清獄囚以甦民命各衙門設立獄禁為重囚犯該徒罪以上者方許禁錮有等佐貳首領等官或承掌印官批發或濫受民詞將無辜及杖罪

以下人犯私置監簿一槩亂收在監又被禁子  
虐害剝削因而荒廢生理至有枉死于獄中者  
此實上千天和下招民怨今後各府州縣衙門  
除一應死罪至徒罪以上重犯照舊牢固監候  
其一應杖罪及無辜之人俱不許私置監簿濫  
收在監致傷民命如違許被害之人陳告嚴行  
查究

一禁歇家以息訟端江西民俗刁頑最稱好訟就  
刑獄如甘飴犯軍徒為兒戲固有破家而不顧  
殺身而不恤者是雖風氣之强悍習染之頑黠  
相噓相扇以致此極然追求其故則大半由於  
歇家之射利者鼓惑誘引扛幫佐使以為之夫  
所謂歇家者皆在縣棍徒市井無賴不事生產  
不務生理專一出入衙門局騙為計者也竊以  
小民一或投入其家則戶役聽其包攬錢糧聽  
其誑收又且交相引誘妄興訟端或為之打點  
衙門而以一科十或與之撻制上下而粧無為  
有名雖托為腹心實則此其膏血小民無知受  
其籠絡雖有息訟之心不能逃其唆哄之計甚  
至不通本家而代為上司訴告冒頂名字而自

行到官對理柄權不由公門歇家互爭勝負訟  
而得勝則必招引黨類以迎送其家陳設鼓樂  
以張大其事若此者豈誠各為其主哉良以所  
業在此非是則無以欺騙則物養贍身家譬諸  
農不耕則無以獲粟工不作則無以取財故也  
夫各省州縣豈無歇家然不過代替迎接上司  
書畫卯酉未有扛唆詞訟貽害鄉民若此者也  
仰各該有司將槩縣市居之民遵照本院近行  
保甲事例逐戶挨編但有不務生理而名為歇  
家者一一開報在官里老公同保結使之朔望  
呈遞執結不致鼓惑鄉民扛唆詞訟如有恪終  
不悛重為民病者從重究治照例問罪發遣不  
許因循輕縱以長刁風

一禁差人以革騙害訪得各屬徃徃差人下鄉擾  
害平民蓋因積棍久戀衙門打點營求六房圖  
其買牌財物不論事之大小情之輕重一槩差  
人下鄉如差一人輒帶三五群黨狐假虎威必  
求飽其所欲騷擾騙害小民無訴合行嚴加禁  
革今後追徵錢糧勾攝公務或准理詞訟只差  
坊里保長拘提如抗拒不服方許差人下鄉如

積年機皂稔惡不悛仍復用賄營差者本犯引  
例克軍吏典坐贓問革

一公捕審以防詐害訪得各衛所巡捕指揮千戶  
等官專以緝捕為名假耳目於捕軍恣魚肉於  
富戶火焚玉石毒慘鷹鷂如意則迂乙為甲拂  
情則變是為非縻祿愒時未聞真盜之獲通賂  
買月適為巨寇之招良民敢怒而不敢言官府  
能察而不能制上干天和莫甚於此今後各衛  
所巡捕官員如遇盜賊生發必結成羽翼蹤跡  
顯著者方許設法擒拿申詳該管上司或

近有司從公鞠究務得真情明正典刑  
憤不許妄行捕捉以污良善濫加捶楚以致傷  
殘妄取供招以圖出入私侵贓仗以犯明條如  
仍前違定行重究不恕

一禁供應以蘇重役江西之論重役者必曰庫子  
夫庫子止於守直何為而重也以供應多而分  
役衆也各府縣舊習其堂上如硃墨紙筆茶果  
之類皆其供應盤盒卓椅之屬或令賃雇謂之  
公用而各衙又或分投直日蔬菜之細燕會之  
需亦可取給焉以故編銀數兩而用至百十餘

兩中人之家未有不破家蕩產者有人心者何  
忍為之今後一切禁革各該庫子止令看守庫  
藏不許買辦供應其茶果油燭紙筆之類皆以  
官銀支用如有仍踵前弊者許被害之人指實  
陳告以贖問革

一給船由以防剽劫訪得各屬地方大小船戶率  
以買賣為名暗行劫掠已經本院通行編立保  
甲覺察防禦去後節據申告沿途船隻仍復設  
計招群剽劫過往官員商賈蓋因駕船人戶未  
給由帖寫船店家未報官司以致名姓難稽

盜得肆仰各該府縣將所屬地方一應大小

船不分新舊盡數查出編甲造冊在官仍給  
船由每船一隻刷由一張內寫真姓的名年甲  
籍貫住址并一家丁口經紀隣佑家長甲長等  
項明白挨次掛號用印鈐記發與本戶收照往  
來遵奉施行如遇客商人等雇船以由為質直  
至起船之處交卸貨物完足然後將由付還別  
聽攬雇如無由者即係來歷不明保長不容行  
駕客商不許雇覓其寫船店家亦報名造冊在  
官取具里隣保結給與印信循環文簿日逐將

寫過船隻查驗船由備開船戶某人係某處籍貫裝載官吏商賈某人往某處交卸每朔望赴該縣呈遞執結送簿稽查倒換但有失事一體連坐仍大書告示曉諭毋得玩違取究則人心兢畏蹤跡可憑江河自此肅清矣

一窮盜窩以弭寇賊地方強竊盜間發實由各縣市豪土霸假以立庄開店為名招引無籍棍徒及有外省強竊歇案人等自來投住憑藉勢要鼓合為非所劫財物盡數投獻以為他日救護之地及至事發則百計回護或先通消息而逃

逃或買賄應捕而賣放一次僥倖得脫則為盜者益見城社之可避竊盜者又見財利之易獲彼此効尤而賊風熾矣除立保甲外仰各州縣責令坊長保總人等將在鄉立庄在市開店者查係本鄉人氏不造外餘皆盡數查出如某於某庄招某府某縣某人等幾名口某於某店招某府某縣某人幾名口俱造入保甲冊內若地方有事訪係某人即竟拘庄店主到官抵罪其窩盜庄店俱以盜贓入官庶人知警畏而盜賊或可潛消矣

一清贓罰以杜侵欺各府州縣秤收犯人詞訟紙米贓罰銀兩固有庫收繳照循環倒換以備稽查矣但一招之內非止數名罪贖秤納自有先後如一事或應追十人止欠一二人一人或應追數十兩或止欠七八兩各該經收庫役止將章簿附記必俟通完然後登上正簿出給庫收遇有病故赦宥因而一槩混請以圖侵欺者徃徃有之至於恤刑官一臨則串同事犯併其已完通作未完告訴豁免者亦有之中間滋弊多端以致贓罰不清又有官圖便利勒限一千

人犯俱待一起赴納者則久累守法先完之人而重滋保歇多收之弊民尤不便也今後各府州縣但有罪犯交納紙贖隨到隨收逐日陸續登記循環正簿出給實收不許勒限一起齊納及私記章簿以滋奸弊違者以侵隱治罪

一禁包收以杜奸豪有司編僉均徭柴薪馬丁各王府校尉銀兩及歲辦胖襖鋪陳等項一應官銀俱該當堂庫役眼同照數秤納以待解發支銷不許奸吏經手侵費此正法也江西積習乃有豪要及王府親屬假托聲勢謀幹牌票文書

密赴各縣囑托包收指一索十火耗扛解任情  
勒指所剋之數倍于輸官剝削損民莫此為甚  
縣官加意窮民不免任怨節制次則委曲奉承  
之矣次則通同依附之矣及至公然侵欺不獲  
批卑致累該吏比較陷於刑罰豈非地方之大  
弊乎仰痛加裁革不許仍前包收上損公家下  
病小民違者官以罷軟書考吏以贓罪問革  
一禁投獻以抑奸貪切照江右士夫之族俱知守  
禮而徃徃致小民投獻之訴良由光棍無賴之  
徒串結宦僕竊假威勢以害小民兄弟伯叔親

戚隣里間有不睦或互爭產業即行引誘曰某  
鄉宦有勢力將伊產業投獻與他則必不敢抗  
汝憤可雪愚民一時聽從藉手報仇或虛填實  
契或捏寫中見或賣田一畝而併賣他人二畝  
或賣屋一間而併賣他人二間或得價十之一  
二而即行逃躲或中見騙錢而其人不知勢家  
明知其非甘於剝人肥己小民無所控訴遂至  
束手棄業間有少能陳理求托親戚倍價取贖  
而其產已去半矣此奸徒所以逞惡而風俗由  
之大壞也仰各嚴行禁約將附勢串誘之人痛

治枷號投獻受獻之家仍依律例問罪發遣務使奸民知警良善獲安

一查逃匿以鋤凶惡江西棍惡出入衙門生事害  
人者不為少矣事發問軍或遠衛或近衛貽累  
解人鬻賣田產為盤費每因勞瘁斃於道途軍  
人到衛未幾隨逃隨勾又添里逃起解問軍無  
補於行伍而民人先受困矣况軍犯抵家益無  
忌憚官府無從訪問諸人不敢覺舉教唆扛幫  
多係此類仰各該有司嚴行挨究仍責令里隣  
首告照例問報如違里隣連坐官以罷軟論

一禁搬戲以節民財所屬弋陽等縣無藉之徒不  
務本等生理專一習學歌唱搬演雜劇官民之  
家徃徃破貲財以娛耳目張燕會以悅親賓計  
其一會之費或用中人一家之產富者既無顧  
惜貧者亦復效尤徒長澆薄之風益成侈靡之  
習甚至動情欲以誨淫競華美而招盜其害於  
風俗非細故也有司目擊奢淫宜如拯溺救焚  
知所轉移矣不惟莫之懲也乃又從而導之凡  
賓旅之徃來僚案之燕會輒用此輩侑觴滑稽  
諧譁全無顧忌所謂一國之人皆若狂具瞻之

體果何在乎又况脯醢果羞之供衣服珠翠之飾非取之於糧里則徵之於庫役百計經營多方雀倩敢怒而不敢言是徒知有燕笑之歡而不知有向隅之泣者也惡在其為民父母哉仰自今以後嚴加禁約痛革弊風如有仍前搬演雜劇者將本家挈問仍罰穀備賑其子弟枷號示衆不許輕貸各官仍須正己率物以身為教毋得仍踵前愆無救薄俗

### 禁約崇仁縣奸弊案

一為禁約事照得崇仁一縣本衣冠禮樂之地亦富

庶安樂之鄉近因官司因循莫能振飭百姓刁滑日習頑嚚在縣市則知有歇家而不知有官府在山谷則知有險阻而不知有法度勾攝經年不到錢糧積欠不完跡同叛亂法合重懲但念舊習之非須開自新之路所有緊關禁約擬合就行為此案仰該縣官吏照案事理即將發去告示用板刊刻豎立該衙門首常川遵守施行毋得違錯未便抄案同豎立過日期申來

### 計開

一禁歇家江西歇家之害甲於諸省而崇仁又甲

於他縣如指稱打點扛幫詞訟於例皆該克軍而乃假此誘惑愚民驅騙財物窩藏強盜律該處死而乃受賄窩停代為打點又或變收糧里錢糧肆為侵欺包攬里甲夫馬不行走適甚至挾制吏書把持官府虎踞狼貪自以為人莫我何而不知事發官府即當明正典刑嚴於惡惡者須臾撲而殺之耳亡身喪家果何益乎仰縣嚴加禁約不許仍蹈前弊仍遵照本院原行將在縣歇家查審姓名丁口住址隣佑逐一造冊在官但凡里甲應役或詞訟到官即拘歇家領遇有公事及問理干對責令拘提有不遵者重治監併或枷號示衆重則申詳本院提究一禁拒捕律稱逃避山澤不服追喚以謀叛未行論其拒敵官兵者以謀叛已行論又罪人拒捕傷人者絞殺人者斬又官司差人追徵錢糧勾攝公事及捕獲罪人聚衆中途打奪但聚至十人以上為首者斬又例稱為從者若係異姓同惡相濟俱發邊衛克軍立法不為不嚴而崇仁之民恬不知忌逃避拒捕率以為常近日如生員方一清毆打公差搶奪巾帽已經本院提究

問罪革退為民外仰今後各知省改自保身家  
如有仍前逃避山澤不服追喚及恃頑拒捕者  
該縣申詳本院拘拿照依律令從事決不輕恕  
一禁刁訟崇仁之民以守分為蚩愚以健訟為豪  
俠凡詞訟錢糧事在官司權柄執於歇家行止  
聽其自便當事者明知憲典不伸卷案無杜莫  
如之何萬一迫於上司之命繩之以法則出牌  
之吏書拘提之機皂協拿之里總皆誣之以索  
騙誣之以搶擄矣一不行繼之以再再不行繼  
之以三以四或構求親戚捏告或別因他事里

誣必欲致之刑辟洩其忿怒而後已故在官吏  
卒不畏縣令而惴惴焉惟畏此輩勾攝不行而  
威令不振職此故也其尤不逞之徒或至誣及  
縣官不曰受賄徇私則曰聽囑偏斷必求有以  
移上司之視聽撓有司之法守以自眩其奸雄  
如近日章湛六誣許知縣者是已仰縣今後凡  
百聽斷公事一惟執守典章慎勿怵惑利害萬  
一有在上司牽誣吏卒者審果有無贓私即便  
請責回覆仍將誣告及教唆扛幫之人照依律  
例從重問擬申詳毋得依阿枉斷以長刁風

一徵錢糧凡糧解人等侵欺錢糧各有死罪克  
律例衆所咸知又例稱各處勢豪大戶無故  
頑不納本戶秋糧五十石以上問罪監追完日  
發附近二百石以上發邊衛各克軍今崇仁錢  
糧積年逋負比之他縣獨甚非糧解之侵欺則  
大戶之違抗此王法所不宥者也仰縣嚴加追  
徵見年錢糧務令以時輸納以前拖欠者逐漸  
帶徵如有仍前抗違者從重究治仍枷號示衆  
一處里役訪得該縣里長至今有不應役者正與  
前項逃避山澤之徒相合所犯非輕即宜處

但其中或有歇家包攬隱蔽不出或有丁力  
之難以支持或慮追併積逋心生疑懼情有可  
原遽難盡法仰縣詳為曉諭許令一月之內到  
官投首應役免其本罪間有丁力消乏者審甲  
下殷實之家替換節年拖欠糧差准令辦納見  
年之後逐漸帶徵不宜追論既往之罪及併徵  
積歲之逋如仍前負固不出者申報本院差官  
拿究

嚴捕盜賊案

一為嚴捕盜賊事本院撫臨以來訪得地方盜賊出

沒為患不已節將申明保甲之法刊刻告示及案行各府州縣遵照嚴緊緝捕去後未見着實舉行今查得臨川等縣五六等鄉被賊劫掠該地方總小甲鄉保長臨時既不救護事後又不報官玩寇殃民殊為可惡除將各犯吳大四等通拘重治枷號示衆外擬合再行督責為此案仰本府州縣官吏照案事理即將發來告示每里給發一張各鄉長領去張掛曉諭地方人等務要遵照先行保甲之法查審丁口備書牌面置備器械各立約號在平居互相覺察不許藏奸窩盜遇行旅共為盤詰不許橫行徑踰但有或往

返窺探或三五成群或暗藏兵器或佯為買賣或假以乞丐募緣為名或指稱解囚捕盜差遣者即便會集保甲細加審問查驗牌票跟求下落凡踪跡可疑及語言恍惚者就綁送官司究問端的萬一卒然流劫登時鳴鑼聚衆併力擒拿又或勢不能敵致有失事呈馳報官發兵追捕仍須各鄉彼此應援不許縱賊過界巡捕官仍分投差人體訪如有仍前不行防禁及失事不報官司者即將保甲通拘重治鄉長收監家屬嚴限責併緝捕獲賊之日方行發落各鄉長每朔望將獲過盜賊及有無盜賊生發緣由結報巡

捕官巡捕官每月一次申報本院如有隱匿不報者  
定行提問住俸戴罪拿賊甚者坐以交通贓罪革職  
決不輕恕毋得違錯未便抄案具遵行過日期同依  
准申來

### 禁約糜費案

一為禁約糜費事照得江西地方積困頻仍歲收又  
薄凍餒之民未蘇向隅之泣難免百九公私費用所  
宜槩從儉節即今新歲將臨誠恐習俗相踵花燈彩  
勝以爭奇火樹煙樓之闐巧豈惟糜費民財抑且招  
來火盜合行禁革以安地方為此案仰該司官吏照

案事理即便出給告示曉諭官吏軍民人等知悉新  
歲不許粧架煙火燃點花燈及起放流星火炮紙花  
爆竹等項敢有故犯巡捕人員拘拿到官連隣佑總  
小甲問罪招詳毋得故縱及違錯未便抄案依准呈  
來

### 查議千金陂工案

一為查議陂工事本院巡歷撫州府閱視千金陂者  
得捲埽周全足悍懷襄之勢長堤鞏固堪為久遠之  
防固主議者能疇咨以遠猷亦承委者知竭勞而襄  
事功斯懋矣民實賴焉但聞蟻穴可以潰隄故固防

者必杜其隙水性便於趨下故治河者先導其流今石塘壯矣而護堤猶薄則衝啗之患可虞支河開矣而沙洲未決則奔瀉之流未利使功或虧於一簣則計非出於萬全所宜亟圖以底成績擬合就行查議為此仰府着落當該官吏行同知陳一貫通判潘梅即便會議目今培堤決洲工役要見府縣掌印官如何監督管工官如何分理人夫如何顧倩機兵如何分撥見今如何用工每日如何稽考規畫已定者查明開報事體未備者即便議申務要決沙洲以捍外堤運泥土以為保障沿河密栽柳樹以當蝕啗下流漸次幫填以禦崩奔仍先其衝要而後及偏旁趨冬月淺涸務須併力挑培共為萬全之圖以收百利之利仍限每十日將培過堤防丈尺及做過各項工程具揭申報以憑稽考施行俱毋違錯未便抄案併准申來

### 定賦役以一政令案

一為定賦役以一政令事查得江西所屬各州縣起解額徵錢糧每為糧長侵欺各項坐派物料多被棍冒攬官民之害已久蠹蠹之弊日增合行查處禁革為此案仰本司官吏照案事理即便查照後開欵

目刊入賦役冊內及刊列告示通行所屬各府州縣  
曉諭各該官吏糧解人等一體永遠遵守施行該司  
仍將刊入冊內緣由并給發過告示日期呈報查考  
俱毋違錯未便抄案依准呈來

計開

一革攬運之弊查得本省糧里承差管解秋糧夏  
稅一應銀兩及戶口食鹽鈔價併顏料等項錢  
糧領批之後或欲在家偷安或欲乘機侵騙往  
往將名下錢糧或央同役帶解或聽船戶攬泊  
一遇賑感到手沿途盜賣非盡行侵欺則大半

掛欠及至部中移文追提却提正戶監併不惟  
國課難完而百姓受累已極相繼死亡尚不知  
悟已行禁革去後為照前項錢糧先議同解保  
結管解及時監併家屬將以祛革攬解之弊近  
據各屬申送查理錢糧文冊及招詳到院查看  
得各項折銀俱被糧解領出或逃回侵欺或隨  
路花費不行赴部完納致陷部解官員經年在  
京守候被各衙門追併無奈只得代伊借債納  
取批單及至回任取討及行規詞告害及查各  
解銀兩方其到司也守鞘月久費用盤纏既已

不貲其間或將家人看守或免歇家代宿往往  
又被偷盜抵換致使負屈賠克及其起解也解  
官每計錠以需索分例復指軍器以科歛銀錢  
官民受累莫此為甚合行查處仰該司即將所  
屬州縣除本色糧米及本色絹布仍令差官押  
同各糧長自行兌運外其一應秋糧夏稅及戶  
口食鹽鈔價等項折色銀兩并各項顏料本色  
錢糧通行所屬查照一條鞭法着令管糧官徵  
收每銀一兩加徵耗銀三分刻期徵完管押糧  
長領解到府申解赴司批內明白開註某項

糧銀若干加耗銀若干該司查照秤收貯庫  
記格眼文簿就便打發批迴不必羈保轉解如  
遇各屬解到齊足解南京者照舊委各該部糧  
官解北京者查委廉幹文武職官各一員呈詳  
兩院批允即將前項錢糧并耗銀給與委官自  
行管解掣取批單銷照咨批內止開正銀不開  
耗銀仍起關應付及聽委官隨帶皂快等役十  
名護解亦應付脚力口糧并行沿途撥機快護  
送不許仍令糧長領解如此庶蠹弊盡除而公  
私無累矣其本色米銀仍照前議行各該掌印

官遇發錢糧務要查驗原定糧戶取具同解人  
役互相保認不致帶解攬泊如有前弊并為代  
賠連名結狀呈遞在卷責令各報家屬召令的  
當人役當官保候方將所領糧米發解部運官  
沿途不時查點盤驗毋令攬解嚴併上納依限  
赴銷過限不銷即拘原報家屬監併過期半年  
以上不獲批單者即坐以侵欺軍罪同解人役  
一併查究該司仍將前項緣由刊入賦役冊內  
永遠遵守施行如有故違定將該吏坐贓革役  
問遣其各州縣已經解銀到司見在聽候委官

押解者即便查照前項議定耗銀於各糧長名  
下如數追徵貯庫就發原批回銷不許留難聽  
解仍行該縣照數追徵耗銀給償施行

一革攬解侵欺查得本省常年奉例坐派兩京各  
項 上用錢糧物料如厨料菜筍黃白蠟茶芽  
茶葉水苗竹白圓藤棕毛及年例家火折色物  
料等項徵取里甲銀兩萬餘例僉解戶領銀前  
去所產地方收買解納近被奸滑棍徒冒濫領  
解或規寫詭名而買求保領或冒頂糧戶而其  
人不知或一人而領數項或三四人而領一項

或先領銀侵費計領後銀補克或假借士夫名  
色干求潛為奸局或因事發脫逃或雇倩頂名  
推監以致物料終無完納而糧戶無辜受累積  
習成風公私交病已行嚴加禁革每年坐委首  
領官或各府衛州縣廉幹官員呈詳兩院批允  
押解戶買解守併批單銷照去後為照前項錢  
糧先議差官押解欲以釐革光棍侵欺但利餌  
所在人情共趨侵盜之故智相仍而鬼域之奸  
計百出若解戶幫解名色尚存猶未免頂名冒  
領該司既不能以盡察解官亦何術以關防終

未盡防微杜漸之法况前項解戶方其審編也  
以為重大差役未免以一科十及被冒侵也又  
拘徭戶賠補率至蕩產破家而經該吏典又被  
攀陷賍私徃徃革役發遣如此不已貽患何極  
又况各該物料節付委官帶解依期納獲批單  
本亦不須解戶幫貼查得湖廣福建等省前項  
錢糧近皆查革解戶委官類解以故本院巡撫  
四川亦查彼省部解兩京本色物料與折色銀  
兩一體通給解官收領自行赴部掣取批單革  
去解戶幫解以杜科害侵欺之端其扛解銀兩

俱於均徭內通融審編每年刻期徵解該司收貯給發解官填報循環及格眼文簿查考官民稱便今照前項解京物料各省事體相同而解戶之弊江西獨甚合行查照禁革仰該司即便通行所屬州縣各查照原行定派殷實解戶名數銀數每年於均徭內通融審編不許仍前將上戶審充力差止許作為銀差隨其丁糧多少湊編刻期徵完責差在官人役解赴該司秤收貯庫登記循環并格眼文簿就便打發批迴不必羈保聽候如遇起解前項 上用物料并折

色銀兩查委廉幹職官呈詳兩院或專差或順差酌量難易無搭支領即於前銀內查照原議扛解數目給與委官自行管解掣取批單銷照仍起關應付聽隨帶皂快等役十名護解亦應付脚力口糧并行沿途撥兵快護送不許行取解戶幫解庶幾積弊盡革而公私俱病矣該司仍列入賦役冊內永遠遵守施行如有故違及濫委陰醫等官該吏定坐贓罪革役問遣其各州縣原僉解戶已解銀到司者即便查出給發原批回銷不許留難聽差仍將給過批迴數目

呈報查考

革弊除害甦民困苦案

一為革弊除害甦民困苦事據吉安府泰和縣申准本府通判劉廷賓關奉本院批據本縣民張景狀告前事奉批仰縣查審有無前弊作何禁革即便具由呈詳以徵志識此繳奉此除遵奉外今將卑職先經禁革事宜并奉批本告所開卑款條陳上請伏乞詳奪外點僉二十八年糧長解頭先該卑職革去空閑銀兩不下三百通縣人民頗亦稱便敢冒昧一併申稟乞賜施行等因到院查得糧長解頭庫子無經之費積弊已深不特該縣為然在各府縣亦所不免相應開款通行禁革為此案仰府州縣官吏照案辦理即便查照後開條款着實舉行用除積弊之源以蘇重困之役仍將發去告示刊刻木牌於本衙門首暨立常川曉諭庫子糧長人等永遠遵守施行俱毋違錯未便抄案依准申來

計開

一庫子出役拜見交盤夙弊遵奉查訪得本縣節用庫每年庫子二名每名七兩二錢編差出役之日舊有過堂拜見常例銀一百兩及交盤時

又有折克金花綵段酒席銀二十四兩無名費用信有如本告所言者卑職署掌縣事聞此貪婪贖貨重玷官箴已經盡行革去及奉本院明文止令看守庫藏此外百凡無名費用又經遵照禁革去後伏候申詳允日著為禁例則縣治肅清而下民亦且無損矣

前件本院訪得前項庫子上役每被官吏需求科歛浪費多端就經刻榜禁革今據議稱前弊訪得各州縣俱不能免而在各府尤為濫觴掌印官既不自潔而縱各衙競為誅求憲

典罔遵民困已甚合再通行申明嚴禁仰各府州縣今後徭編庫子上役之時止許看守庫藏不許索受拜見分例交盤花段及派令出辦公座卓帷油燭柴炭家火紙劄筵宴酒席饋送下程并隨衙供應等項違者定將官坐贓罪吏問發遣

一每年徭編府縣柴薪馬丁齋膳校尉牌坊等項共銀七百二十五兩有零弊由各都酒糧迓絕甲下閃差遇納前項銀兩被承發房吏書串同積年歇家私收肥已或捏虛圖無人點卯坑陷

庫子啞賠十有九貧懇乞着令該吏牌差管都  
皂隸押同見年里長戶丁及各歇戶的名嚴限  
赴官秤納傾定貯庫聽候支解以杜侵欺遵奉  
查得該縣往年歲編均徭柴薪馬丁齋膳夫校  
尉牌坊等項銀兩俱該見年里長催拘徭戶當  
官照數完納庫子止該秤收請給印信完票備  
照或有逃絕甲首人戶未完者只當責令見年  
里長着併親管名下追納此是正法近來里長  
正身俱不出官雇覓歇家包當多是棍徒答應  
以致徭戶假此拖延里長役銀遂無下落一遇  
各項銀兩起解緊迫權令庫子借過日後多不  
追補一家之產豈能代賠一縣差徭實為大害  
今後各項徭差銀兩合責各承行吏書如柴薪  
馬丁責之兵房齋膳門役責之禮房嚴督該都  
里長拘勾完納歇家人等俱要的名在官日逐  
比較徵完貯庫聽解庶吏書歇家杜侵尅之奸  
而庫役無代賅之患矣

前件看得前項徭編銀兩俱被親管洒糧逃亡  
甲下見年里長又包與歇家代役以致私收  
侵欺掇作虛高及至起解緊迫致陷庫子虛

賤利歸奸滑而害在庫子誠有如本官所議者各州縣今後審編徭役俱要遵照本院見行查審戶則及革銀差之弊二款每遇編僉均徭查審三等九則如法編僉不拘大小人戶各給由票一紙內開某里長下甲首某丁糧若干編銀若干里長協同親管依期追徵照數輸納掌印官監督各該承行吏典經收入匣印封貯庫仍照各布政司事體置立印信文簿一様三本掌印官一本該吏一本庫子一本凡遇收受各項錢糧贓罰挨順月日流水登記各簿掌印官標日付各收照每項總類完足應起解者起解應存留者存留縱有徵收未齊務在嚴併追足不許那移出納致累庫子賠克若有該吏不行經收縱令歇家誣捏虛圖仍前累陷庫子代解者官以罷軟議黜吏坐贓罪問革

一本縣戶房書手輪管庫藏每季月終申繳循環并造年終各項文冊每日不分有無造冊三四五人閑坐稍或供應不如輒將冊內收除不行明造致上駁查問罪用費不一今景等慮備紙



原件模糊

張工食銀一十二兩當官給與書手取領附卷  
令其承造庶得便益遵奉查得該縣節用庫舊  
有書手二名謄造一應收支數目每年工食銀  
七兩二錢俱是庫子雇募工食供應或不如願  
作弊貽害難保必無卑職掌理縣事前弊已行  
革去行令遇查盤交盤謄寫之日每日給與工  
食銀二分紙張庫子出辦無事之時不使靡費  
工食自今合無姑從此例倘有數目不明罪坐  
書手

前件看得申繳循環及查盤交盤文冊係干戶  
房承行今稱書手常要庫子供給工食紙  
等項稍不齊備冊內暗椿差錯致累問罪作  
弊害人莫此為甚今後各府州縣凡造申繳  
循環及查盤等項文冊俱令戶房該吏提督  
書手造報每日查給工食銀二分併供給紙  
張之類俱於里甲供應銀內支費並不許有  
令庫子出辦或冊內造有收支數目不明及  
差錯者罪止坐吏書若有侵欺情弊方將庫  
子提問敢有仍前再令庫子出辦供給紙張  
等項及各吏書需索騙害者定將該吏坐贓

革役書手照例發遣

一入官贓罰紙米罪銀各房間納移付戶房追收  
多被枉法剋落代掇庫收繳報致委官查出枉  
令庫子賠補問罪遵奉查得前項奸弊委宜防  
禁今後如奉上司詳允招由及該縣問完詞訟  
紙米工價銀兩責令承行吏書移付庫子明開  
某人名下銀數庫子不問字畫精拙親筆登記  
官簿填寫庫收赴堂用印申繳附卷以便查驗  
字跡不許別入代寫如或不同即係虛掇以後  
未為定規

前件者得各衙門發追納贖紙米或被該吏在  
法侵收入已代掇庫收虛申及至委官查盤  
貽累庫子問罪若不設法查處誠為嫁禍無  
辜但所稱庫子登簿一節恐拙者不能書寫  
而巧者又復作弊亦非良法今後各府州縣  
凡追收納贖紙米銀兩掌印官嚴督該吏眼  
同庫子經收入匣印封貯庫仍照依前條所  
開登記各印信文簿掌印官標記明白方具  
庫收回報中間若有號簿數目與所收銀兩  
不同及未填號簿而虛繳庫收者就將該吏

問以侵欺招詳本院施行及照前項文簿出納憑之稽查循環憑之開報官吏憑之查盤庫役憑之交代一舉而奸弊盡革公私俱便矣其庫子役滿之日許將本役文簿給發執照新役庫子重新置造如有不遵即係貪官汚吏從重追究決不輕貸

一鄉宦過京水里甲一時不便每被兵房吏書稟官那移庫內官錢十無一償坑陷賠補又有各房吏書門子每將低銀來庫挾換合銀稍不奉承但遇上司按臨本府輒便稟官帶領庫子

出銀使用乞示痛革遵奉今後合無嚴禁戒官民人等敢有將在庫錢糧那借許商人首告坐以侵欺照例發遣吏書門子敢有仍前挾害者俱坐以重罪庶人知敬畏而奸弊可除矣

前件看得徭編庫子止係看守庫藏非為充代支應今後各州縣一應水手等項俱支無碍官錢若無堪動銀兩就申各衙門定奪毋得那移借貸在官錢糧致累庫子屈賠或上司巡歷該府縣官不許帶領跟隨以備支應吏

書門子亦不得擅將低銀強索勒換違者定  
將官吏坐以科歛贓罪書手門子究以積年  
充軍

查得本縣糧長二百五十五里半戶每年額編  
解頭一百二十名俱各都糧長內點選糧多者  
每官米三石折民米一石會筭官民折米造冊  
照依上年舊規分定輕重編充解頭其餘糧少  
人戶照各名下糧數每石派納空閑銀入官公  
用切照糧長專為徵解錢糧今大戶僉點解頭  
而餘戶徵銀在官出納乾沒積弊害民深為可

駭查得各項解頭獨京庫南京二項實為重差  
其餘各項解頭俱輕但本年糧戶除解頭外餘  
戶既免解頭若糧米盡行除免似為苦樂不均  
姑照舊編銀畧從寬減以蘇民困每年每米一  
石派銀三錢三分今止派銀一錢五分餘糧總  
計八百八十八石三斗六升二合六勺共該銀  
一百三十三兩二錢五分四釐三毫九絲內將  
六十六兩六錢二分七釐一毫九絲五忽幫貼  
京庫將六十六兩六錢二分七釐一毫九絲五  
忽幫貼南京俱作扛解使用此外分毫不敢貯

官公用耗損於民庶解頭得有所資餘戶亦從寬減所謂寬一分則民受一分之賜矣

前件查得各該糧長領解各項錢糧原有輕重不同固宜量行幫貼但近該本院案行布政司通將各項錢糧止令糧長解赴該司差委職官領解不必糧長轉解赴京仍每銀一兩隨糧帶徵耗銀三分通解該司給與解官以作盤纏火耗之需則各解頭糧長通無偏累今後各州縣俱要查照見行一條鞭法每兩加耗銀三分派徵轉解布政司秤收委官領解其解頭糧長不許復徵餘戶扛解幫貼違者從重究治不恕

### 徵收錢糧案

一為徵收嘉靖二十八年秋糧事據江西布政司呈詳派徵本年分秋糧緣由到院已批行依擬行糧儲道督令該科吏書查派呈報去後但查得節年派徵前項錢糧該司派行各府各府派行各縣俱止是各項本折總數向未細派各州縣起徵則例亦未明白給示遍諭小民以故徵收細數不得周知府縣吏書得以虛增其數而奸滑之徒徃徃由此額外多索近

該本道呈繳節年分派過各府州縣徵納則例細數  
前來極為明白相應照簿查派及查得前巡撫胡  
定議督賦規則所屬稅糧俱作一條鞭徵納蓋所以  
便出納之數革侵欺之奸法至善也今有司奉行未  
至仍分項徵收甚至銀不歸庫米不歸倉聽從糧解  
私自收受而掌印管糧官全不監督查驗在小民多  
一併輸納而糧長解頭率蒙蔽官府視起運之緩急  
以為侵欺之計是有一條鞭之名而無一條鞭之實  
法令既不能齊官民俱為未便擬合通行查處為此  
案仰本司轉行糧儲道照案事理即將二十八年分

秋糧查照前項冊內分派細數派行各府州縣要見  
官米沙塞米每一石該派京庫折銀若干每民米一  
石內該派兌軍等項本色正耗米若干折色銀若干  
每石全納銀若干逐一備將該納細數分填各州縣  
項下通行遵照先期責令各里經催里長督同各里  
書手備將本里各甲人戶該納稅糧照依派去則例  
攢造實徵格眼冊一本每一里統十甲每一甲統十  
戶首開本都尚坊里額糧若干內官米若干該納折  
銀若干民米若干每石該納本色米若干折色銀若  
干共該本色米若干折色銀若干次將各里長并甲

首各應納糧米數目逐一查明開某里某甲某戶糧米各若干俱不開倉口一條鞭均筭官米若干該徵折銀若干民米若干該徵本色米若干折色銀若干共銀若干米若干務要總撒相對呈遍在官該州縣即便類造總冊首開本州縣額糧次開起運存留各項數目并派徵則例却將各都畝坊里造到實徵手冊查對無差挨次造入一樣二本掌印管糧官各收一本將各里實徵格眼冊發與該管糧長收掌仍將各戶該納銀米數目照依發去由票格式備細填完先期給付各納戶查照每臨收之時仍另給各糧長空白流水印簿一樣二本一本收銀一本收米照依律限開倉定立三限日期徵收一日收銀一日收米如收銀則管糧官監督用官降天平聽納戶自兌不許糧長多收火耗管糧官即照銀數於由帖限下註寫仍登記流水格眼各簿內用關防鈐蓋由帖隨給納戶收執至晚查筭流水簿內收過若干管糧官親註某日收過某納戶等銀若干類總封記送掌印官驗過用箱裝盛封送入庫次日收米亦管糧官臨倉監督用官降斗斛聽納米自槩照前註帖註簿其有恃頑不納者掌印并管糧官嚴加比併徵收將完仍

查節年舊規令僉定各解頭逐項領運領解若各戶  
納銀納米管收人員不與註簿註帖希圖侵欺者許  
納戶赴所在上司或本院陳告以憑從重究治其管  
糧官係本等職業務要上緊徵收每限將徵收過銀  
米總數關報本州縣轉申本院并糧儲道查考如有  
需索分例火耗及下倉酒席者定行重治革職及不  
依期限催徵過時不完者照依律例拘監家屬住支  
俸糧革去冠帶仍行提問不恕該司仍備云刊刻大  
字告示將糧儲道分派各縣實徵則例計開于後每  
府總一張每縣各一張馬上遍發各令常川張掛曉  
諭務俾蠹弊蠲除官民俱便仍將發行過日期并刊  
刻告示刷印一張送院查驗施行俱毋違錯未便抄  
案依准呈來

四

三  
四  
五  
六  
七  
八  
九  
十

